



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Na osnovu čl. 25. i 74. Statuta Općine Centar Sarajevo – prečišćen tekst (Službene novine Kantona Sarajevo“, broj 23/04) i člana 7. Odluke o poticaju zapošljavanja mladih iz sredstava Budžeta Općine Centar Sarajevo ("Službene novine Kantona Sarajevo" broj 30/15), Općinski načelnik upućuje

JAVNI POZIV

Za finansiranje i sufinansiranje najboljih poslovnih projekata sredstvima Budžeta Općine Centar Sarajevo namijenjenih razvoju preduzetništva i zapošljavanju mladih

O PROGRAMU

U Strategiji razvoja općine Centar 2016.-2022. godine i Strategiji za mlade općine Centar 2014.-2020. godina, prepoznat je kao jedan od strateških ciljeva razvoj podsticajnog i povoljnog poslovnog okruženja za samozapošljavanje mladih sa utvrđenim mjerama finansijske i edukativne podrške preduzetništvu mladih.

Planirana budžetska sredstva će se koristiti za podsticanje preduzetničke inicijative kroz takmičenje preduzetničkih ideja i održivih poslovnih planova. Na osnovu Javnog poziva izvršiće se vrednovanje dostavljenih aplikacija i izbor najboljih biznis planova koji će biti novčano nagrađeni.

Novčana nagrada je namijenjena sufinansiranju troškova pokretanja biznisa kroz finansiranje troškova registracije biznisa, troškova nabavke sredstava za rad, zakupa poslovnih prostorija, obrtnih sredstava, naknade za doprinose i ostalih troškova. Visina bespovratnih sredstava po biznis planu može iznositi maksimalno do 15.000,00 KM.

CILJ JAVNOG POZIVA

Osnovni cilj Javnog poziva je podsticaj preduzetništvu i samozapošljavanju mladih sa područja općine Centar kroz sufinansiranje troškova pokretanja i razvoja vlastitog biznisa.

PRAVO SUDJELOVANJA

Korisnici sredstava mogu biti osobe koje ispunjavaju sljedeće uslove:

- a) Nalaze se na evidenciji nezaposlenih JU Zavod za zapošljavanje Kantona Sarajevo
- b) Imaju prebivalište na području općine Centar, minimalno 3 godine
- c) Pripadaju kategoriji mladih starosti do 35 godina,
- d) Po odobravanju poslovne ideje će registrovati i razvijati vlastiti biznis na području općine Centar.

KOMISIJA

Postupak dodjele bespovratnih sredstava Općine Centar namijenjenih podsticaju zapošljavanja mladih provodi Komisija koju imenuje Općinski načelnik.

KRITERIJI I MJERILA		
1.	Kvalitet biznis plana u zadatom obrascu	max. 100 bodova
2.	Kvalitet usmene prezentacije	max. 100 bodova
	a) način prezentacije	20 bodova
	- jasna prezentacija i logičan tok prezentacije	
	- vrijeme prezentacije	
	- uvjerljivost i profesionalizam	
	- poznavanje poslovnog sektora	
	- odgovori na pitanja članova Komisije	
	- stimulisanje interesa investitora	
	b) prezentacija plana	40 bodova
	- jasno definisani proizvodi i usluge	
	- jasno definisan način djelovanja	
	- identifikovani rizici	
	- jasni pokazatelji prodaje, profita i gotovinskog toka	
	- jasno definisane potrebe za kapitalom	
	c) održivost biznisa	40 bodova
- jasna vizija		
- prezentacija poslovnih vještina		
- potencijal za investiciju		

Pravo na usmenu prezentaciju biznis plana ostvaruju kandidati čiji je **kvalitet biznis plana vrednovan sa najmanje 60 bodova**.

Bodovi ostvareni na osnovu kvaliteta biznis plana tačka (1) i bodovi ostvareni na osnovu kvaliteta usmene prezentacije biznis ideje (2) zbrajaju se (maksimalni broj bodova iznosi 200).

PROCES EVALUACIJE BIZNIS PLANOVA

- (1) Komisija u prvom koraku razmatra pristigle prijave i vrši izbor najboljih biznis planova, shodno kriterijima, nakon čega poziva na prezentaciju biznis plana najbolje ocijenjene kandidate.
- (2) **Kandidati pred Komisijom predstavljaju svoj biznis plan kroz power point ili sličan format prezentacije u trajanju od 15 minuta.**
- (3) **Nakon svake pojedinačne prezentacije Komisija obavlja intervju sa kandidatom u trajanju od 15 minuta.**
- (4) **Komisija sačinjava prijedlog liste najboljih biznis planova**
- (5) Na osnovu prijedloga Komisije Općinski načelnik donosi Odluku o biznis planovima koji će biti finansirani iz granta Općine Centar u skladu sa odobrenim sredstvima u budžetu.

SADRŽAJ PRIJAVE ZA SUDJELOVANJE U JAVNOM POZIVU

Prijava mora biti potpuna i uz nju mora biti dostavljena sva dokumentacija tražena Javnim pozivom.

Prijava sadrži:

- a) Obrazac biznis plana
- b) Potvrdu od JU Zavoda za zapošljavanje Kantona Sarajevo da se nalazi na evidenciji nezaposlenih, ne stariju od 30 dana
- c) Uvjerenje o prebivalištu na području općine Centar Sarajevo u kontinuitetu najmanje 3 godine (Uvjerenje o kretanju izdato od strane Ministarstva unutrašnjih poslova KS, Sarajevo Centar)
- d) Ovjerenu fco lične karte
- e) Ovjerenu Izjavu da će dodijeljena sredstva iskoristiti za nabavku potrebnih sredstava za rad navedenih u biznis planu, registrovati i održavati vlastiti biznis; da će se nakon registrovanja vlastitog biznisa odjaviti sa evidencije nezaposlenih i da se u periodu od najmanje 12 mjeseci neće prijaviti na evidenciju nezaposlenih i da ranije nisu koristili bespovratna sredstva Budžeta Općine Centar namijenjena podsticaju zapošljavanja mladih.

Biznis plan mora biti dostavljen na aplikacionom obrascu i popunjen elektronski.

NAČIN PREUZIMANJA POTREBNE DOKUMENTACIJE

Obrazac Izjave i obrazac biznis plana za prijavu na Javni poziv može se preuzeti na web stranici Općine Centar Sarajevo www.centar.ba

NAČIN PODNOŠENJA PRIJAVE

Pismene prijave se podnose Komisiji za provođenje postupka dodjele sredstava za podsticaj zapošljavanja mladih Općine Centar Sarajevo (u daljem tekstu: Komisija) putem Službe za finansije, privredu i lokalno ekonomski razvoj, neposredno na protokol Općine Centar Sarajevo u zapečaćenim kovertama na adresu:

Općina Centar Sarajevo, Mis Irbina 1

Sa naznakom:

Ne otvarati – po Javnom pozivu za finansiranje i sufinansiranje najboljih poslovnih projekata-

Javni poziv ostaje otvoren 60 dana od dana objavljivanja. Krajnji rok za prijavu je 12.08.2019. godine. Neblagovremene i nepotpune prijave, Komisija neće uzeti u razmatranje.

Rezultati vrednovanja biznis planova biće objavljeni na Web stranici Općine Centar Sarajevo, nakon čega će Komisija obaviti intervju sa odabranim kandidatima i donijeti konačnu odluku o izboru.

U postupku ovog javnog poziva Općina Centar ne snosi nikakve troškove sudionicima. Prispjela dokumentacija se neće vraćati.

VIII OSTALE ODREDBE

Sa podnosiocima najbolje ocijenjenih biznis planova Općina Centar Sarajevo, koju zastupa Općinski načelnik, zaključuje ugovore u kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, monitoring implementacije biznis plana i namjenski utrošak sredstava.